



**ADRODDIAD I'R IS-BWYLLGOR LLES ECONOMAIDD
11 Ebrill 2025**

TEITL: Penodi SRO y Cynllun Twf
AWDUR: Alwen Williams, Cyfarwyddwr Portffolio

1. PWRPAS YR ADRODDIAD

- 1.1. Pwrpas yr adroddiad yw cyflwyno'r enwebiad ar gyfer yr Uwch Berchennog Cyfrifol (SRO) newydd ar gyfer y Cynllun Twf.

2. Y PENDERFYNIAD A GEISIR

- 2.1. Bod yr Is-bwyllgor yn penodi Dylan Williams Prif Weithredwr Cyngor Sir Ynys Môn fel Uwch Berchennog Cyfrifol (SRO) newydd ar gyfer y Cynllun Twf.
- 2.2. Bod yr Is-bwyllgor yn cytuno i adolygu'r trefniadau ymhen 12 mis.

3. Y RHESYMAU DROS Y PENDERFYNIAD

- 3.1. Ceisio cadarnhau penodiad SRO y Cynllun Twf yn unol â'r penderfyniadau a wnaed gan y Bwrdd Uchelgais Economaidd ym mis Chwefror 2025, i wahanu rôl yr SRO a'r Cyfarwyddwr Portffolio mewn ymateb i'r gofyniad newydd gan y Llywodraeth.

4. CEFNDIR

- 4.1. Mae Cynllun Twf Gogledd Cymru yn gytundeb rhwng Llywodraeth y DU, Llywodraeth Cymru ac Uchelgais Gogledd Cymru i gyflawni buddsoddiad trawsffurfiol o £1biliwn i economi gogledd Cymru. Nod y Cynllun Twf yw adeiladu economi mwy bywiog, cynaliadwy a gwydn yng ngogledd Cymru, gan adeiladu ar ein cryfderau i roi hwb i gynhyrchedd wrth fynd i'r afael â heriau a rhwystrau economaidd hirdymor i gyflawni twf cynhwysol.
- 4.2. Yn unol â chytundeb terfynol y Cynllun Twf, mae strwythur llywodraethu rheoli portffolio, rhaglenni a phrosiectau wedi'i sefydlu i oruchwylio'r gwaith o gyflawni'r Cynllun Twf. Mae hyn yn cynnwys cael Uwch Berchennog Cyfrifol (SRO) ar gyfer y Cynllun Twf ac Aelodau Arweiniol ar draws y rhaglenni.
- 4.3. Yn y pen draw, mae'r Cyd-Bwyllgor Corfforedig yn atebol am gyflawni amcanion Cynllun Twf Gogledd Cymru, gan gyflawni'r canlyniadau a ragwelir a gwireddu'r buddion gofynnol. Mae'r SRO yn atebol i'r Cyd-bwyllgor Corfforedig am gyflawni cwmpas ac amcanion y portffolio y cytunwyd arnynt.



5. UWCH BERCHENNOG CYFRIFOL (SRO)

- 5.1. Mae rôl yr SRO wedi'i chyflawni gan Alwen Williams ers dechrau'r Cynllun Twf ochr yn ochr â'i chyfrifoldebau Cyfarwyddwr Portffolio. Mae gofynion newydd a nodwyd gan Lywodraeth Cymru a Llywodraeth y DU fel cyllidwyr y Cynllun Twf bellach yn ei gwneud yn ofynnol i'r rolau hyn gael eu gwahanu a'u cyflawni gan wahanol unigolion i gynyddu atebolrwydd a darparu capasiti arweinyddiaeth ychwanegol.
- 5.2. Ym mis Chwefror 2025, cymeradwyodd y Bwrdd Uchelgais Economaidd benderfyniad i wahanu'r rolau a cheisio enwebiad gan un o Brif Weithredwyr y chwe awdurdod lleol yn y gogledd, i weithredu fel Uwch Berchennog Cyfrifol (SRO) ar gyfer Cynllun Twf Gogledd Cymru.
- 5.3. Mae Prif Weithredwyr yr awdurdodau lleol wedi ystyried y cynnig ac wedi enwebu Dylan Williams, Prif Weithredwr Cyngor Sir Ynys Môn i gymryd y rôl Uwch Berchennog Cyfrifol (SRO). Mae'r cynnig hwn yn cael ei ystyried fel estyniad naturiol i'r rôl Prif Weithredwr Arweiniol anffurfiol y mae Dylan Williams wedi bod yn ei gwneud i gefnogi'r Cyfarwyddwr Portffolio.
- 5.4. Mae'r SRO a'r Cyfarwyddwr Portffolio yn atebol i'r Cyd-bwyllgor Corfforedig am gyflawni Cynllun Twf Gogledd Cymru.

7. GOBLYGIADAU ARIANNOL

- 7.1. Nid oes unrhyw oblygiadau ariannol i'r papur hwn.

8. GOBLYGIADAU CYFREITHIOL

- 8.1. Penderfynodd y Bwrdd Uchelgais ym mis Chwefror 2025 wahanu rolau Cyfarwyddwr Portffolio ac Uwch Berchennog Cyfrifol ar gyfer y Cynllun Twf. Roedd hyn mewn ymateb i ofyniad clir y llywodraeth i gael SRO a Chyfarwyddwr Portffolio ar wahân. Gyda throsoglwyddo'r Cynllun Twf i'r Cyd-bwyllgor Corfforaethol ar 1 Ebrill 2025, mae'r cyfrifoldeb am weithredu'r penderfyniad a phenodi'r SRO bellach yn dod o fewn swyddogaethau dirprwyedig yr Is-bwyllgor.

YMATEB Y SWYDDOGION STATUDOL:

i. Swyddog Monitro:

"O 1 Ebrill 2025, trosglwyddwyd y cyfrifoldeb am gyflawni Cynllun Twf Gogledd Cymru i CJC Gogledd Cymru. Gyda chwblhau'r trosglwyddiad daeth y Bwrdd Uchelgais Economaidd ("EAB") i ben. Fodd bynnag, mae'r penderfyniadau fel y maent yn ymwneud â'r Cynllun Twf yn parhau i fod mewn grym. Mae'r CJC wedi dirprwyo swyddogaethau sy'n adlewyrchu rhai yr Bwrdd Uchelgais i'r is-bwyllgor. Mae'r penderfyniad ar benodi'r SRO i'r is-bwyllgor i'w wneud."

ii. Swyddog Cyllid Statudol:

"Dim gwrthwynebiad o safbwynt priodoldeb ariannol."